

ZAPISNIK

sa 14. sastanka Privrednog savjeta Grada Zenica

održanog 25.02.2019. god. u maloj sali Grada Zenica (II sprat), Trg BiH br. 6., Zenica, s početkom u 14,00 sati

Sastanku su prisustvovali: predsjedavajući Privrednog savjeta, gradonačelnik Fuad Kasumović; Amra Mehmedić, pomoćnica Gradonačelnika za privredu i upravljanje razvojem; Sabira Helvida, pomoćnica Gradonačelnika za ekologiju, komunalne i inspeksijske poslove; Mirsad Heleg, savjetnik gradonačelnika za prostorno uređenje; Bojana Primorac, savjetnica Gradonačelnika za pravna pitanja; Sumea Mujkanović, pomoćnica Gradonačelnika za boračko-invalidsku i socijalnu zaštitu, stambene poslove i društvene djelatnosti; Mia Skopljak, savjetnica Gradonačelnika za urbanizam; Senad Pašalić, direktor Zeničke razvojne agencije ZEDA d.o.o. Zenica; Selma Mujagić, stručna savjetnica za urbanizam, Jasmin Baručija, direktor Glovis d.o.o. Zenica; Senaida Turkić, Aksa d.o.o. Zenica/Udruženje poslodavaca Zenica; Mladen Perić, Pero d.o.o. Zenica/Udruženje poslodavaca Zenica; Damir Begić, Almy d.o.o. Zenica; Senad Džanić, Club 072-Zenica; Vukica Marjanović-Suljić, Predstavnik udruženja (advokat); Edin Šarić, Savez izviđača grada Zenica; Benjamina Šaranović, Udruženje poslodavaca Zenica; Vladimir Franjić, direktor Meridijan d.o.o Zenica; Fahrudin Šahmanija, Direktor „Femettal“ d.o.o. Zenica.

Sastanku nisu prisustvovali: Semira Karić, pomoćnica Gradonačelnika za urbanizam; Mia Pojskić, savjetnica Gradonačelnika za ekonomska pitanja, Biju Nair, Generalni Direktor Arcelor Mittal Zenica, Jusuf Kravić, Direktor „Ze-Steel“ d.o.o. Zenica i Maša Škrbić, stručni saradnik za marketing, promociju i investicije, Ekrem Oruč, vlasnik/direktor Ekor d.o.o Zenica, Ismet Begić, vlasnik/direktor Almy d.o.o.

Na samom početku, predsjedavajući Privrednog savjeta, gradonačelnik Fuad Kasumović, pozdravio je prisutne i zahvalio se na dosadašnjoj saradnji, te prije prelaska na dnevni red, upoznao prisutne u vezi nekoliko novih aktivnosti Gradske uprave, i to;

- predstavio gđu Miu Skopljak, novu savjetnicu za urbanizam, te rekao da će dotična obavljati poslove Glavnog gradskog arhitekta
- upoznao prisutne o problemu stručnog kadra u Gradskoj upravi, da se ranije nije vodilo računa o znavljanju kadra, imajući u vidu starosnu strukturu i kvalifikacije uposlenih, upoznao prisutne da su pokrenute aktivnosti objavljivanja javnih konkursa, za mlađim i kvalifikovanijim kadrom, kako bih se ubrzali određeni procesi u gradskoj upravi. Naglasio je da je neophodno mjenjati kadar i dugogodišnji sistem kako bih se mogli pratiti zahtjevi i trendovi na tržištu i adekvatno odgovoriti zahtjevu stranaka
- upoznao prisutne da je dugogodišnji kadar gradske uprave, g-din Dževad Selimović, zaposlen u Službi za finansije, podnio zahtjev za prijevremeno penzionisanje, te koristeći ovu priliku Gradonačelnik mu se zahvalio na dosadašnjom doprinosu
- upoznao prisutne da će se uskoro održati konferencija za medije na temu preduzetih aktivnosti u razvoju privrede i privrednih aktivnosti u gradu Zenica, te je zamolio

gđicu Amru Mehmedić, v.d. pomoćnicu Gradonačelnika za privredu i upravljanje razvojem i gđu Senaidu Turkić, predsjednicu Udruženja poslodavaca Zenica da upoznaju javnost o aktuelnim aktivnostima koje se pokrenute i aktuelne

- upoznao prisutne da firme koje imaju sjedište u Poslovnoj zoni 1, zapošljavaju preko 1.000 radnika, i da skoro nijedna firma nema dimnjaka i naglasio da bi bilo dobro da se ovaj trend nastavi kako bi grad Zenica u narednih 10-15 godina postigala bolju pregovaračku poziciju kod određenih institucija, organizacija i privrednih subjekata, (npr. kompanija ArcelorMittal d.o.o i sl., kada je u pitanju zaštita i okoliš, poštivanje evropskih standarda obzirom je Grad Zenica u projekat „zeleni gradovi“
- kazao je da je Grad Zenica zaprimio nekih 14 zahtjeva za kupovinu zemljišta u Poslovnoj zoni 1, što je dobar pokazatelj zainteresovanosti domaćih privrednika, i što će dovesti do otvaranja novih radnih mjesta, novih preduzeća.

Na kraju svog izlaganja, gđin Gradonačelnik je dao Amri Mehmedić da nastavi voditi sastanak.

Amra je pozdravila prisutne, izvinula se zbog odgađanja sjednice, koja se nije mogla ranije održati zbog neodložnih obaveza predsjedavajućeg Privrednog savjeta, te upoznala sve prisutne sa Dnevnim redom, kako slijedi:

Dnevni red

1. Zaduženja sa trinaestog sastanka Privrednog savjeta održanog 13.12.2018. godine
2. a) - Informacija o realizaciji programa mjera za unapređenje privrede u 2018. godini na području Grada Zenica
b) - Prijedlog programa mjera za unaprjeđenje privrede za 2019. godinu na području Grada Zenica
3. Odluka o administrativnim taksama– PROJEKAT LIFE
4. a)– javni poziv organizacijama civilnog društva/nevladinih organizacijama za 2019. Godinu
b) – Odluka o zakupu poslovnih prostora – NVO sektor
5. Inicijativa za brendiranje dva zenička identiteta – Forum građana Zenice
6. Razno

Nakon što je pročitani dnevni red, prisutni nisu imali primjedbi, te je isti usvojen.

Ad.1.

Na samom početku za riječ se javio gđin Senad Džanić, predsjednik ugostiteljske sekcije pri Udruženju poslodavaca i upoznao prisutne o aktivnostima uređenja ljetnih bašti, pohvalio dosadašnju korektnu saradnju sa Gradskom upravom, posebno istakao saradnju sa Službom za urbanizam i Službom za privredu i upravljanje razvojem, obzirom da ranijih godina nisu imali priliku predstavljanja sekcije ugostitelja i prezentovanja problema s kojima se susreću na adekvatan način. Kazao je da se održavaju konstruktivni sastanci i razgovori s

predstavnicima Službe urbanizma u pogledu ugostiteljstva, zakupa ljetnih i zimskih bašti te mogućnosti plaćanja u ratama.

Senad Džanić je kazao da su napravljeni određeni iskoraci po pitanju tipiziranja bašti, korištenja dobre prakse ugostiteljstva iz okruženja i evropskih gradova, tako da su svi zahtjevi od strane Grada Zenica i prijedlozi ugostitelja usklađeni. Postignuti su određeni zaključci za buduća uređenja i postavljanja bašti, a usaglašen je i Zaključak o uređenju bašti u gradu Zenica, što je bio i zadatak i obaveza predstavnika ugostitelja s prethodnog sastanka.

Amra Mehmedić je upoznala prisutne o Informaciji i realizaciji Programa mjera za unapređenje privrede u 2018. godini na području Grada Zenica, te Prijedlogu Programa mjera za unaprjeđenje privrede za 2019. godinu na području Grada Zenica. Zahvalila se svima na dosadašnjoj saradnji i konkretnim sugestijama. Kazala je da su objavljeni spiskovi korisnika za 2018. godinu na web stranici Grada Zenica i da se detaljni uvid u svu dokumentaciju može i pogledati.

Kada je u pitanju prijedlog Programa mjera za unapređenje privrede za 2019. godinu na području Grada Zenica, Amra je napomenula da su se održala dva sastanka sa predstavnicima oba udruženja poslodavaca koja djeluju na području grada Zenica. Na održanim sastancima prisutni su imali priliku iskazati primjedbe, dati smjernice na Prijedlog mjera za 2019. godinu, a sve u svrhu kreiranja efektivnog i provodivog Programa.

Amra Mehmedić je informisala prisutne o nekoliko bitnih stvari u vezi Prijedloga mjera za 2019. godinu, i to:

- da Prijedlog mjera za 2019. godinu nije obuhvatio prekvalifikaciju osoba koje se vode na Biru rada Zenica obzirom da formalno obrazovanje mogu vršiti samo ovlaštene institucije, a imajući u vidu da već Biro rada Zenica u saradnji sa nadležnim institucijama vrši određene prekvalifikacije radnike. Iz tog razloga u Prijedlogu mjera se izostavio ovaj vid podrške.
- da Prijedlog programa obuhvata 4 mjere:
 1. Podrška postojećim obrtima i firmama /MSPovima
 2. Podrška pri pokretanju prvog biznisa u gradu Zenica/START UP
 3. Podrška ženskom preduzetništvu i
 4. Podrška mladima do 35 godina koji imaju svoje biznise.

Također, Amra je naglasila da svi aplikanti po svim mjerama i prioritetnim oblastima, koji prođu obaveznu provjeru od strane Komisije za provođenje javnog poziva za dodjelu podsticaja, te ispune propisane kriterije, mogu ostvariti grant sredstva u iznosu do 5.000,00 KM, te kazala da je osigurana i besplatna edukacija za početnike koji po prvi put pokreću vlastiti biznis (obrt ili doo), na temu izrade poslovnog plana i potrebne dokumentacije s kojom susreću, u trajanju od 4 dana u prostorijama Agencije Zeda.

Pojasnila je i da će nakon dodjela sredstava, svi korisnici biti kontrolisani tokom trajanja Programa, a što se već čini za odobrene korisnike po Programu mjera za 2018. godinu.

Senaida Turkić je kazala da je dobro što se uključilo i drugo udruženje privrednika u izradu prijedloga Programa podsticaja za 2019. godinu te kazala da treba više govoriti o ovim

mjerama, podsticajima, posebno kroz medije kako bih došlo do buđenja svijesti kod građana. Sugerisala je da gradskoj upravi neophodan jači i agresivniji PR i same aktivnosti informisanja.

Senad Pašalić je kazao da je u 2019. godini anketirano oko 180 privrednih subjekata sa područja Grada, da su svi upoznati sa ovim aktivnostima koje se provode, te da će i anketa uskoro biti objavljena na web stranici Grada i Agencije Zede zajedno sa zaključcima.

Mladen Perić je pohvalio navedene mjere i dao naglasak da se prate novoosnovane firme/START UP-i radi budućih aktivnosti na planu podrške istima.

Također, Mladen Perić je spomenuo i pohvalio program/projekat mjera utopljanja zgrada koji je idealan i koji treba nastaviti svake godine i dati mu još veći značaj.

Zaključak

Da se nastave razvijati razni programi podrške privrednom sektoru, praćenju korisnika s naglaskom boljeg promovisanja svih usvojenih mjera i postignutih rezultata kod korisnika.

Ad.2 (2a i 2b)

Amra Mehmedić zamolila je gđu Bojanu Primorac, koordinatoricu na Projektu LIFE koji se proveo u gradskoj upravi Grada Zenica da informiše prisutne o provedenim aktivnostima.

Bojana Primorac je prisutnima saopštila da je projekat uspješno implementiran, da su usaglašene sve preporuke sa konsultantima, te da je ažuriran elektronski registar koji sadrži sve potrebne informacije o svim administrativnim postupcima.

Također, kazala je da je u međuvremu pripremljen Prijedlog Odluke o izmjenama i dopunama Odluke o administrativnim taksama, te da je isti usvojen 18.02.2019. godine na 33. sjednici Gradskog vijeća.

Gđa Primorac je kazala da su novim Prijedlogom odluke o izmjenama i dopunama Odluke o administrativnim taksama umanjene određene takse od 10-50%, da su za obrtnike koji prvi put registruju obrte, takse u potpunosti ukinute, s ciljem podsticaja obrtnika i privrednika, tako da se novom Odlukom i izmjenjenim Tarifnikom, za građane i privrednike očekuje efekat rasterećenja plaćanja taksi na godišnjem nivou od 200.000 – 250.000,00 KM i da je izmjenjena Odluka već na snazi.

Gradonačelnik je kazao da pored toga što je Grad Zenica prezadužen, ne odustaje od pronalaska olakšica i rasterećenja poreskih obveznika i građana.

Također, naglasio je da je će Grad Zenica vjerovatno inkasirati manje poreza ukidanjem i smanjenjem određenih taksi, ali da je isto tako siguran da će se pokrenuti određene privredne aktivnosti koje će dati pozitivne efekte po Budžet Grada.

Gradonačelnik je kazao da je privreda rasterećenija ukidanjem KGZ takse koja je dugi niz godina opterćivala privredne subjekte, naglasivši da se uvodi određeni red kako kroz naplatu potraživanja taksi koje pripadaju gradu iz ranijih perioda, a isto tako ukidanjem ili izmjenama svih onih odluka i zaključaka koje su na štetu razvoja grada.

Gradonačelnik je upoznao prisutne da je u završnoj fazi i popis poslovnih prostora, naglasivši da su nedostajali mnogi ugovori o zakupu istih, da veliki broj poslovnih prostora nije priveden uknjižen na Grad. Naglasio je da se mjenjaju pravila, uređuju procedure, pravilnici, te da vjeruje da ćemo ubrzo imati sistemski sređenu i uređenu gradsku imovinu.

Kao novu informaciju za Privredni savjet, Gradonačelnik je kazao da se poduzimaju pripreme aktivnosti u vezi sa projektom izgradnje žičare prema Smetovima, što će biti itekako od velikog značaja za grad Zenicu i širu društvenu zajednicu.

Senaida Turkić istakla je da je jako dobra saradnja Udruženja poslodavca i Gradske uprave pogotovo razumijevanje za parafiskalne namete i probleme s kojima se susreću privrednici.

Zaključak

Gradska uprava će i dalje pratiti i preispitivati svoje odluke i zaključke sa zahtjevima stranaka kako bih se život u gradu Zenica učinio dostojnim svakog građana.

Ad. 4 (4a i 4b)

Amra je zamolila Sumeu Mujkanović, v.d. pomoćnicu Gradonačelnika za boračko-invalidsku i socijalnu zaštitu, stambene poslove i društvene djelatnosti, da upozna prisutne i obrazloži tačku dnevnog reda **pod 4a**.

Suema Mujkanović se ukratko predstavila, zatim prezentovala Javni poziv za nevladine organizacije naglasivši da se isti treba objaviti u toku sljedeće sedmice, dodala da su Javni poziv zajedno izradile tri službe, i to: Služba za privredu i upravljanje razvojem, Služba za ekologiju, komunalne i inspeksijske poslove i Služba kojom ona rukovodi.

Također, je kazala da je ovo prvi put da se radi na ovakav način s željom da se obuhvate sve aktivnosti svih organizacija s ciljem da su projekti i kriteriji koje provodi gradska uprava jasni za nevladin sektor koje žele da apliciraju i realizuju iste.

Sumea Mujkanović se posebno zahvalila NVO-u na dosadašnjim prijedlozima i sugestijama te saradnji koju ostvaruju. Kazala je da Javni poziv obuhvata tri lota, a da je možda za prisutne i Privredni savjet veoma bitno da znaju da udruženja koja provode privredne aktivnosti mogu aplicirati sa projektima koji podrazumijevaju organizaciju i posjetu sajmovima, promociju privrede, organizaciju privrednih susreta i sličnim aktivnosti.

Edin Šarić je prokomentarisao dostavljanje obavezne dokumentacije na početku godine i raspisivanje Javnog poziva, obzirom da se radi skoro istoj dokumentaciji, te smatra da treba olakšati proceduru imajući uvidu troškove ovjere dokumentacije. Dodao je da je u prošlosti bilo slučajeva da su neaktivne nevladine organizacije dobijale sredstva.

Sumea Mujkanović i Amra Mehmedić su naglasile da je početkom godine proveden Javni poziv nevladinim organizacijama da dostave ažurnu dokumentaciju čime se potvrđuje aktivan status. Rečeno je da 120 nevladinih organizacija koristi poslovne prostore kojima upravlja gradska uprava i da je potrebna kontinuirana kontrola rada nevladinih organizacija.

Gradonačelnik je predložio ukoliko je moguće da se iznađe neko rješenje u vidu izdavanja neke „potvrde“ na godišnjem nivou za ona udruženja koja su aktivna, kako se ne bi morala svaki put detaljno provjeravati pri javnim pozivima.

Sumea Mujkanović je kazala da nadležno Ministarstvo za pravosuđe i upravu ZDK vodi registar udruženja i organizacija, sve provjere o postojanju i obavještava šta se dešava sa njihovim statusom. Kazala je i da se kod boračke populacije, kada su u pitanju javni pozivi, popuni samo obrazac za prijavu, te dodala da je ova godina „godina provjere, ažuriranja i obnavljanja baza“ te naglasila da postoji veliki broj registrovanih udruženja, a samo mali broj aktivnih

Vukica Marjanović je pitala ko je zadužen u Službi da prati rad nevladinog sektora i svih organizacija.

Sumea Mujkanović je odgovorila da je novom sistematizacijom popunjeno radno mjesto te da se aktivnije očekuje i sam rad i saradnja s NVO. Kazala je da organizacije još nisu spremne da samostalno putem interneta uploaduju nedostajuće dokumente tako da je i sam proces ažuriranja sporiji.

Kada je u pitanju **tačka 4b**, Amra Mehmedić je kazala da je u procesu provjera svih poslovnih prostora koje NVO koristi, analiza (ne)postojećih ugovora o zakupu te pravnom statusu istih. Radi se i analiza plaćanja KN i KGZ, koje su trebale biti uplaćene dosadašnjim korištenjem poslovnih prostora, i način korištenja i održavanja istih.

Mladen Perić je predložio da se urade dobri kriteriji kako bi se sve pasivne organizacije i udruženja odbila u startu po svakom osnovu.

Edin Šarić je kazao da je dosadašnjim načinom bilo itekako šaroliko, da su korisnici na istoj adresi plaćali različite zakupe i režije, da postoje problemi sa održavanjem, režijama i sl., da se dešavalo da zbog jednog udruženja iostali trpe posljedice, kao što su isključenje struje, poplave i sl.

Amra Mehmedić se ponovo uključila, te kazala da zbog svega navedenog, krenulo se prvo u analizu postojećeg stanja, od broja i kategorisanja svih organizacija, udruženja i sl., načina korištenja poslovnih prostora, ugovora o zakupu, dostavljanja i provjere sve dokumentacije kako bih se u budućem radu moglo što učinkovitije postići zacrtani cilj uz ostvarenje planiranih rezultata.

Vladimir Franjić je dao podršku navedenim aktivnostima koje će uredovati rad nevladinih organizacija u Gradu Zenica i izrazio nezadovoljstvo što se u proteklih 10 godina nije radilo na ovaj način.

Senaid Turkića podržala je ovakav rad službi i gradske uprave.

Mladen Perić je također podržao ove aktivnosti imajući u vidu da se nevladinim organizacijama dodjeljuje cca bespovratnih budžetskih sredstava u iznosu 200.000,00 KM, te da građani imaju puno pravo znati rezultate utrošenih sredstava.

Zaključak

Daje se puna podrška da se nastavi ažuriranje i uređenje kriterija i pravila praćenja nevladinih organizacija, da se vodi računa o gradskoj imovini, imajući u vidu da je to imovina svih građana grada Zenice.

Ad. 5.

Vukica Marijanović je pojasnila razloge delegiranja ove inicijative, imajući u vidu sve društvene aktivnosti tradicionalnog karaktera koje se organizuju u gradu Zenica, da NVO i Grad Zenica zajednički izbredu predložena dva identiteta „Kulin ban“ i „Čimburijadu“ kako bi bili prepoznatljivi u regionu. Naglasila je da je svima jasno da jedino uz podršku gradske uprave može se prevazići dosadašnje nesistemske tradicionalno obilježavanje ovih događaja, a posebno događaja „Čimburijada“. Kayala je da dosadašnje organizovanje sve više liči na „seoski vašar“.

Također, Vukica Marjanović je zamolila za pomoć gradske uprave i privrednika iz grada Zenice za realizaciju ove inicijativom, a zbog prepoznatljivosti grada Zenice po obilježavanju ovih događaja, dala je prijedlog da se formira Radna grupa koju bi činili predstavnici gradske uprave, Muzeja Grada, nevladinog sektora i predstavnika udruženja poslodavaca, gdje bi se konkretizovao određeni akti i program obilježavanja u narednim godinama.

Gradonačelnik je kazao da nema dileme oko ovih aktivnosti i da daje punu podršku i da se trebaju i ovi događaji urediti kao i sve ostalo što se nastoji sistematizovati u gradu i gradskoj upravi.

Sumea Mujkanović je kazala da postoji procedura za brendiranje i da je možda Muzej najadekvatniji kao nosilac ove inicijative kako bi se sve podiglo na veći nivo, kako bise dosadašnje nesređeno stanje i prisutne neželjene scene i prizori organizovanja uklonile kod organizacija ovih događaja, a vjeruje da je i grad spreman dati predstavnike da se uključe kako bih se našlo najbolje rješenje.

Vladimir Franjić se javio za riječ i kazao kada je u pitanju organizacija „Čimburijade“, da je trenutno osnovni problem postojeća Odluka o komunalnom redu, koju je potrebno izmijeniti.

Gradonačelnik je pitao šta se smije a šta ne organizovati uz postojeću Odluku.

Gdin Franjić je kazao da prema trenutnoj Odluci se ne bi smjela održavati „Čimburijada“ na ovakav način i da je sve neformalnog karaktera, spominjući aktivnosti inspekcije na terenu.

Gradonačelnik je pitao ko je dosadašnji glavni organizator događaja „Čimburijade“ i podijelio mišljenje s prisutnima upitavši kako se i organizatorima tzv. „korida“ izda neko uslovno odobrenje za realizaciju aktivnosti.

Franjić je kazao da prema važećoj Odluci o komunalnom redu, i djelovanju inspekcije, u aktivnostima oko organizacije nisu prihvatili da budu organizatori i smatra da jedino gradska uprava s nekoliko NVO može to učiniti.

Senaida Turkić je kazala da se obilježje „Kulin ban“ ne može brendirati i da je kao pojam uvršten u literaturi koja govori o historijskim događajima.

Vladimir Franjić je kazao da „Kulin ban“ treba da postane povelja i da se napravi obilježje. Gđa Turkić je ponovo kazala da ime „Kulin ban“ se ne može brendirati a da „Čimurijada“ možda i može biti brend, ali da se jasno precizira koje bi to aktivnosti, da se uključe i pomoć konsultantskih kuća koje bi jasno kazale i definisale brend „Čimburijada“.

Gđa Turkić je predložila da NVO organizacije predlože projekat „brendiranja“ putem javnog poziva kako bi komisija za ocjenu projekata mogla odlučiti o najboljem rješenju.

Gdin Perić je kazao da bi možda određene firme mogle napraviti ovaj događaj kao što je ZEPS organizovan a da Grad podrži ovaj projekat, da se napravi pozitivna priča ali samo putem javnog poziva.

Senad Pašalić je kazao da je ranije razgovarao sa zainteresiranim za ova priču oko brendiranja, i tražio da ova tema dođe na dnevni red Privrednog savjeta i da je ovo ideja i Agencije Zeda. Mišljenja je da je Zenica prisutna i poznata u medijima i javnosti samo po „željezari“, „zatvoru“, „sivilu“ i sl., a da ukoliko se pokrene ova priča o brendiranju ovih događaja, na način kako je pokrenut „Summerfest“ i „Studengrad“, more promijeniti imidž grada Zenice.

Senad Pašalić je dodao da organizovaju i obilježavanje „Kulin ban“ i događaja „Čimburijade“, ne može nositi samo jedna nevladina organizacija i neformalne grupe kao što je to sada. Senad Pašalić je napomenuo je grad trenutno nema svoju lokalnu Turističke zajednicu i da u ovome svi trebaju uzeti učešće, a uz to napraviti i analizu potencijala turizma. Sugerisao je jedna osoba za NVO može usmjeriti kako ili šta uraditi na polju turizma.

Mladen Perić je naveo primjer Oktoberfesta kako funkcioniše, iza kojeg postoji nekoliko brendiranih pivara i da su one sami organizatori, dok događaj „Čimburijada“ je neformalni događaj gdje se ne zna ništa konkretno niti je išta jasno, te kazao da mora postojati privatni interes da neko preuzme da organizuje.

Senaida Turkić je predložila da se izrade dva projekta za obilježavanje događaja „Kulin ban“ i događaja „Čimburijada“.

Zaključak:

NVO apliciraju za izradu projekta „Kulin ban“ i „Čimburijadu“ a da i Forum građana Zenica predloži projekat organizovanja „Čimburijade“.

Razno:

Senaida Turkić je kazala da se i male radnje uz glavne ulice urede kao što se pokrenile aktivnosti s kafićima i ljetnim baštama, da se propišu uslovi jednoobrazanog načina izlaganja robe ispred radnjih, zelenara i dr.

Mia Pojskić je kazala da će se još raditi na uređenja kafića sa baštama, a da će se obuhvatiti male radnje, zelenare i dr., tako da ima još krucijalnih stvari koje će biti obuhvaćeni novim prijedlozima u rješenjima.

Senaida Turkić je kazala da je ranije Općina/Grad imala glavnog dekoratera u gradskoj upravi, i da se vodilo računa o ovoim stvarima, kao što su izgledi pojedinih ulica, njihovo osvjetljenje, izlaganje robe i postavljanje raznih štandova i svemu što je od estetskog značaja za Grad.

Zaključak

Da se uradi prijedlog za uređenje izlaganja robe kod malih radnji i zelenara, posebno na glavnim ulicama.

Sastanak Privrednog savjeta se završio s radom u 15:30 sati

Zapisnik sačinio:
Jusuf Brkić, dipl. oec

Predsjedavajući Privrednog savjeta
Gradonačelnik
Fuad Kasumović

